



ENQUETE SURVEY ENKUESTA ENCUESTA

**KÁMARA DI KOMÈRSIO
I INDUSTRIA BONEIRU**

ENQUETE | SURVEY | ENKUESTA | ENCUESTA

Den luna di desèmber 2023 i yanüari 2024 Kámara di Komèrsio i Industria Boneiru a tene un enkuesta bou di empresarionan na Boneiru.

Tabata trata di 13 pregunta pa haña un imágen tokante na unda ta eksistí e nesesidat pa risibí mas profundashon tokante e diferente tópikonan ku ta bini dilanti serka e empresarionan. I kiko lo ta e impakto ku e empresarionan ta verwagt di e oumento di sueldo mínimo legal riba nan empresa pa futuro.

Un grupo grandi di empresario a yena e enkuesta, kaminda mayoria di nan ta mas ku sinku aña aktivo komo empresario ku un BV/NV i ta aktivo den e sektor di 'otro servisio'.

256 empresario a yena e enkuesta. Esaki ta suficiente pa por hasi deklarashonnan konfiabel tokante opinion di empresarionan tokante un seri di tópiko.

Un resúmen kòrtiku pa kada pregunta ku ta deskribí kiko resultado di e enkuesta ta, bo ta haña akí bou.

1. Den kua segmento bo aktividat empresarial ta: 30% di e empresarionan ta den sektor di 'otro servisio'.

Mas aleu e e sektornan di konstrukshon, komèrsio por mayor i por detal i konsultorio kada un tabata representá pa 10% (tur servisio ta bini for di e segmentonan prinsipal di e kódigonan SBI).



2. Forma hurídiko di bo empresa:

Akí 75% ta BV/NV i 22% Eenmanszaak.

3. Kuantu tempu bo ta aktivo komo empresario:

61% a indiká di ta mas ku 5 aña aktivo i 23% 0 te ku 2 aña.

4. Finansa – Tokante kua tópiko riba tereno finansiero bo lo ke haña sa mas?

Akí ta resultá bon kla ku empresarionan tin nesesidat pa haña mas informashon tokante supsidio, pensa akí riba loke ta posibel for di Hulanda Oropeo i riba supsidionan di Union Oropeo. Kámara di Komèrsio den kolaborashon ku International Desk Bonaire, ministerio di Asuntunan Ekonómiko i e enviado spesial ta traha den direkshon di klaridat i aksesibilidat pa haña sa kiko por ta e posibilidatnan pa empresarionan na Boneiru. (<https://bonairegov.com/idb/> & <https://cabinetspecialenvoy.com/>)


5. Impuesto – Tokante kua tópiko riba tereno di impuesto bo lo ke haña sa mas?

Akí a bini bon kla dilanti ku empresarionan ke risibí mas profundisashon tokante areglonan i obligashonnan fiskal pa nan empresa. Ta bai pidi konseheronan di impuesto i Servisio di Impuesto Hulanda Karibense (Belastingdienst Caribisch Nederland) pa duna informashon.

6. Pèrmit – Tokante kua tópiko riba tereno di pèrmit bo lo ke haña sa mas?

E empresarionan ta indiká ku nan ke risibí informashon komprendibel tokante kua ta e pèrmitnan ku ta aplikabel pa e sektor den kua nan ta hasi negoshi òf ta bai hasi negoshi. Den koperashon ku Entidat Públiko Boneiru su departamento di





pèrmit lo purba pa realisá akí un bista general komprendibel pa kada sektor ku e kondishonnan korespondiente pa e empresarionan.

7. Hurídiko / administrativo – Tokante kua tópiko riba e terenonan akí bo lo ke haña sa mas?

E konklushon ta ku e empresarionan tin mas nesesidat pa mas profundashon tokante Derecho Laboral i Derecho di Retiro. Den kolaborashon ku diferente hurista Kámara di Komèrsio ta bai organisá vários charla i tayer durante e aña akí.

8. Digitalisashon – Tokante kua tópiko riba tereno di digitalisashon bo lo ke haña sa mas?

Akí ta bini dilanti ku mas informashon i sosten ta deseabel relashoná ku dunamentu di servisio online, impuesto i sistemanan di pago. Pa esaki den kolaborashon ku diferente organisashon i empresario Kámara di Komèrsio lo organisá vários charla i tayer.

9. Merkadeo – Tokante kua tópiko riba tereno di merkadeo bo lo ke haña sa mas?

E resultado ta ku akí riba kada tereno, análisis di data, merkadeo online, medionan sosial i publisidat i komunikashon, tin mes tantu nesesidat pa risibí profundashon tokante esakinan. Ya kaba Kámara di Komèrsio a tene un seshon di sosten pa e Sentro pa Empresariado. Pa esaki lo organisá varios charla i tayer durante e aña akí.

10. Posibilidat di depósito – bo ta na altura?

71% di e empresarionan no ta na altura di e posibilidatnan di depósito (entrega òf registro di dokumento òf informashon) na Kámara di Komèrsio. Kámara di Komèrsio

ta bai pone mas informashon online tokante kiko ta e posibilidatnan pa hasi empresarionan mas konsiente di esaki.

11. Oumento di sueldo mínimo legal, kon grandi bo ta kalkulá e impakto riba bo organisashon?

Mayoria di e empresarionan ta indiká ku e oumento di e sueldo mínimo legal tabatin tiki impakto òf no tabatin impakto riba nan organisashon.

12. Kon bo ta bai prosesá e oumento di sueldo mínimo legal den bo organisashon?

Un mayoria di e empresarionan ta verwagt ku nan lo tin ku prosesá e oumento den e preisnan ku e konsumidónan tin ku paga òf ku nan tin ku tene reorganisashon den nan empresa. Relashoná ku e kontesta akí, esaki por tin di haber ku e echo ku e empresanan ta verwagt ku lo oumentá preis di e servisionan i merkansianan ku nan ta kumpra serka terseranan.

Pa evitá oumento innesesario di preis, Kámara di Komèrsio den kolaborashon ku Entidat Públiko Boneiru lo bini ku un ‘helpdesk’ kaminda kada empresario den un forma komprendibel i bou di guia por haña sa kiko e impakto di e oumento di sueldo mínimo legal ta riba su organisashon.

13. Bo ta deseá pa partisipá na un seshon di profundisashon tokante e tópiko akí?

40% ta indiká ku gustosamente nan lo ke risibí un seshon di profundisashon tokante e tópiko di oumento di sueldo mínimo legal en kestion.

